

CMYK

CHAMNA AW PHUNGUVUKNA DING	
1. Chief Patron	- ₹ 5000.00
2. Patron Member	- ₹ 4000.00
3. Diamond Member	- ₹ 3000.00
4. Gold Member	- ₹ 2000.00
5. Silver Member	- ₹ 1000.00

Published by Rev. Thangkhoiem on behalf of the Evangelical Synod Church
Regd. No. 64436/96
E-mail:e7s7cc@gmail.com
www.synodchurch.com

Alak man apat ₹
If undelivered pliz return to:
ESC SECRETARIAT,
Chiangkawmpang, Churachandpur,
Manipur - 795158

Chamna Aw

(Evangelical Monthly)

Regd. No. 64436/96

E-mail:e7s7cc@gmail.com

www.synodchurch.com

To:

PIN



Chamna Aw

(A Monthly Organ of the Evangelical Synod Church)

Vol. XXXI

No. 1

January, 2016



Editor: Rev. Thangkhoiem

Chamna Aw

SUOPAT KUM 1986

ə sunga thu umte

- Editorial 01
- Kum thak ahin bangti'n pan lakthak na guo? 04
- Zotui hinkhuo 08
- "Khawvak chate bangin um un?.... 12
- Vak chate banginumun 14
- Pauchamna ah thilhihtheihna maktak aum 17
- Bethlehem khuo tieng in chieh hitiu 20
- Kristmas leh kumthak..... 22
- ESC The 62nd Annual Council 2015 23
- Muhnailoh gam kum thak luoh ding dan 25
- Chielna leh hetsakna..... 30

- EDITOR ANA HITE
1. Upa Lalkhoin 1986
 2. Rev. Khaigin Gange 1987-2005
 3. Rev. Lamkhawsat 2006-2013

Vol. xxx No. 9
January, 2015

EDITORIAL BOARD

Chairman:

Upa Dr. L.S. Gangte, M.A. M.Phil.

Editor:

Rev. Thangkhoiem M.Div.

Asst. Editor:

Rev. K. Siemlien B.D.

Associate Editor:

Rev. Khaigin Gangte B.D.

Upa Paozalun B.A.

Rev. L. Sata B.Th.

Bible Study:

Rev. T. Kamgin Gangte M.Th.

Evan. Pauhomang B.D.

Contributing Editor:

Upa Th. Mangnul B.A.

Rev. T. Kampu M.Th.

Rev. Henholien M.B.S.

Pastor Khaitinthang B.Th.

Evan. L. Minthang B.Th.

Miss Chinboi MRE

Circulation Manager:

Mr. Paubik, Secy. SEB

Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuhuoh cheng hi ESC Ngaihdan ahi vek khel puoi. Article zikte'n a mawh a kipuok chiet ui.

PRINTED AT
THAWSAAU PRINTING WORKS
CENTRAL LAMKA

CHAMNA AW PATRON MEMBER LIST

CHIEF PATRONS:

- | | | |
|-----------------------------|------------------|------|
| 1. Pu S. Paukhola | Chief of Bunglon | 1994 |
| 2. Ebenezer Chapel | D. Phailien | 2014 |
| 3. ESC Shillong | Shillong | 2014 |
| 4. Mr. S.K. Juliana | Lamphel | 2014 |
| 5. Nk Sawmte K. Gangte | Fujairah, UAE | 2015 |
| 6. Nk Esther Tinglamkim | Gangte Veng | 2015 |
| 7. Pu Thangzago (K.Vawmcha) | Chiengkawnpang | 2015 |

PATRON MEMBERS:

- | | | |
|---------------------------------|-------------------|------|
| 1. Pu Henkhojam | Siempat | 1994 |
| 2. Sep. L. Gangte | 5th Assam Regt. | 2003 |
| 3. Dr. Lalzazdal | Chiengkawnpang | 2004 |
| 4. Upa Niala | Shillong | 2004 |
| 5. Pu P. Gangte | Shillong | 2004 |
| 6. Pu B. Manga | Shillong | 2004 |
| 7. Pu S.T. Gangte | Shillong | 2004 |
| 8. Pu Lalkithang | Delhi | 2004 |
| 9. Rev. Dr. Soson | Dimapur | 2007 |
| 10. Rev. T. Kampu | Guwahati | 2008 |
| 11. Pi Phalneithiem | Dehradun | 2008 |
| 12. Pu B.K. Gangte | Dehradun | 2008 |
| 13. (L) Hengo | Chief of Chongmun | 2010 |
| 14. Upa Dr. L.S. Gangte | Chiengkawnpang | 2011 |
| 15. Pi Niengzalam | Chiengkawnpang | 2011 |
| 16. Pu Sangvung | Chiengkawnpang | 2011 |
| 17. Pu S.K. Gangte | Shillong | 2011 |
| 18. Pu Lovejoy | Kohima | 2013 |
| 19. Pu Goginthang | Shillong | 2013 |
| 20. Pu L. Minlun Gangte | Shillong | 2013 |
| 21. Pi Lalkim | Shillong | 2013 |
| 22. Hav. H.L. Gangte | Shillong | 2013 |
| 23. Ms. Grace Lalbiek | Guwahati | 2013 |
| 24. Pu L. Neihsiel | Shillong | 2013 |
| 25. Pu Lamtinlien | Shillong | 2013 |
| 26. Pu S. Thienlaljoy, SDO | H.Q. Veng | 2013 |
| 27. Pu L. Sawia | Gangte Veng | 2013 |
| 28. (L) Lt. Col. L. Gangte | Chiengkawnpang | 2013 |
| 29. (L) Upa K. Manga Gangte | Shillong | 2013 |
| 30. Rev. Dr. Th. Lamboi Vaiphei | Hill Town | 2015 |
| 31. Pu K. Pauboi Gangte | Chiengkawnpang | 2015 |

DIAMOND MEMBER:

- | | | |
|-----------------|----------------|------|
| 1. Upa Lamkodem | Chiengkawnpang | 2015 |
| 2. Mrs Felli | Chiengkawnpang | 2015 |

GOLD MEMBER:

- | | | |
|---------------------|-----------|------|
| 1. Pi Niengneihchoi | New Delhi | 2014 |
|---------------------|-----------|------|

SILVER MEMBER:

- | | | |
|----------------------------|-----------------------|------|
| 1. Pi Sailothangi Thangzom | Old Lambulane, Imphal | 2014 |
| 2. Antioch High School | Abicharan Tripura | 2014 |
| 3. Upa Thanglal | Bijang | 2015 |
| 4. Upa Laltinthang | Gangpimul | 2015 |



Out of one hundred (100) ECCI Key Leaders expected, only 68 (sixty eight) and even some of them still in partial due to certain unavoidable circumstances attended the two days consultation. The consultation meeting was the first of its kind in the history of ECCI and was a blessing to all. Belows are the Covenants drafted during the consultation meeting and approved by the BOT during its meeting on 24th November 2015 :

1. Reaffirmed to continue its federal unity and agreed to withstand any kinds of discouragements that come on its way.
2. Affirmed to strengthen its existing Bible College (Evangelical College of Theology), which is one of the main images of the organization.
3. Affirmed to promote and strengthen its networking with other like-minded churches and Para churches both at national and international level.
4. Affirmed to carry on projects and programs under ECCI and every member body to be prepared to contribute as and when needed.
5. Affirmed to strengthen and develop our fellowship with one another by way of pulpit exchange, etc. from time to time.
6. Affirmed to form Evangelistic Team comprising of the Evangelist At-large of the constituent presbyteries in order to develop and promote more and more spiritual unity at ECCI level, to be initiated by the General Director from time to time.
7. Affirmed the magnificent dynamic strength, in the youths and women in particular and their potentiality in strengthening our federal unity and agreed to revitalize and mobilize them.
8. Affirmed that lack of sense of ownership on the part of member bodies, lack of integrity and seriousness on the part of ECCI leadership, selfishness and independent mindset by all, financial dependency etc. are imminent dangers to our federal unity and agreed to combat all these with our cherished dream in the days to come.

Rev. L.B. Angam
General Director

Evangelical Congregational Church of India

Elder Dr. L. S. Gangte
Chairman

Editorial



KUM THAK LEH LAM THAK

(The new Year and the New way)

Tuman'n zie lampi hi na hawh kha nai puou hi

(Joshua 3:4)

Zie khawvel I khuolzin nau gam hi Israelte Pathien in Kanaan zuion a apuih lai a a khuolzin nau tawh akibatna aum hi. Zieziekchun, I hinkhuou hi Israelte akhuol zinnau hinkhuo tawh akibanga, ei haw le kum thak leh Lam thak I hawhkhak ngei loh nau gama zin ding in Lalpa'n kum 2016 chu ei pui tung kit tai.

Zie lampi hi na hawh kha ngei puou hi. Zie um zie chuh, Lalpa Pathien in nang leh kei chu hunpha dang(chance) dang khat ei pie kit nuom ahilh dan akilang hi. Pathien in hunthak ei luohsak kit ahi a; Hunthak ei pie a, Amah ngei chuh ei panpih dinga hung kipiephal nalai ahi. Kum hunghak zel ahin, Pathien lungsietna thilhawnpiek eiuh a ding aum ahi tih gingchalah puoi tiu.

Kumthak hunthak I matpat kit nau ahin, I masang ua bang um ahim, bang kiselgu aum em? Hetmasak him him I nei ta puou a;zing leh bang hungtung ding tih le I he thei diek puou hi. Mahleh Pathien zahngaihna chuh I chung u ah aumzinga, hun nuom leh haksa ah Pathien in umpih zing ei tiem ziekin alopi mah mah hi. I masang hun hungtung zel ding ahin, I het ngeiloh uh, I tuok ngeiloh uh bang thil I tuok dingum kuomah ahe masa thei I um puoua; hetkhaklohna gama zin ding bang mai I hiu hi.

1. **Ei umpih hing zing**:-Khawvel hun kitheng zel ahin A kitheng ngeilo Pathien thu aum hi tih hetzing a pawimawh hi.

Chamna Aw

2. **Puitu deihum**:- Puitu kitu chun chiehna ding bangkim a he vek ahi. Ichiehna lampiu chu ahea, hun nuom leh hun haksa ah ei enkawla ei vengzing ahi. Zie chu Pathien bangkim he leh bawltheitu chu ahi.
3. **Zahngaitu**:- Pathien in I pawimawh cheng uh ahevek a, zie haw chu ei pie zel ahi. Na kawma a thutiem chu na chunga a tun kim masang cheng hun taihsanin hun hengilh puona. Pathien akipata vangsa kna chu abukim ahi tih he zing hi tiu. I deih leh ngaih cheng ei pietu chu Pathien ahi. Ei lungsietna lopi dan hi ngaihtuoh dawk guo chiet hi tiu.

Chieh khaklona lampi hawh ding I hih tak ziekun; Pathien a kipata puihna leh thu chien aum ma cheng leh hetchien lohna mun a chu chiehlo phawt dingin chingthei hi tiu. Bang lampi ahi? Kum thak a chiehna ding ahi? Hetkhaklöh thil haw chu na hatna'n a kimaituoh pih guo mai em? Pathien telloin thiem theilo ding ka hi tih kihet zing a pawimawh mah mah hi. Pathien chu amite kawmah aum zing hi. (Pawtdawkna 3:12, Joshua 1:5, Thuchingte 3:5-6, Sam. 37:5 Isai 30:21). Pathien chauh chu ei pui thei, ei vengbit thei, hinna ei pietheitu chu ahi tih hetngilhloh ding ahi.

Kum thak Lalpa'n ei pui tunga, Kum thak ah I lut tau a, hun thak leh gam thak a lut I hi tau ahi. Zie kum leh hun haw hi I chiehna sau ahihloh ziekin, puih a I um nau hi Pathien ei puih loh na lam ahih ding hi thil lauh um ahi. Pathien in ei pui nuom zinga , eiuh I kipuihsak nuom ding um? Pathien in eiuh kawm ah-Alungsietna, A thilhiah theihna, Alopina tamtak vei a sulang ta a; kihetlohsak a khawvel leh eimah hetna kipuihsak zing n alai ding I hiu em?

Malam zuon a khuolzin to zel I hiu a; mahleh tunung/maban a thil hungtung dingte chu I mit un I mu zieng thei puou hi. I tuok ding u chu bang ahi dem? Vangsietna ei tuok thei; Lungkhamnan ei tuok thei; Natna huoisie takin ei tuok thei; Thihnan ei tuok thei; Vangsa kna ei tuok thei hi. Bang cheng hi I tuok theihuh I mau a lampi ahi um chiet ahi. Lalpa puihna leh venna loh ngal chieh dik theih dan ding aum puoi.

Chamna Aw

7. Pu Kamthang Headmaster Tripura
8. Pu H. Khaia Missionary G-4 Banaras
9. Choir:

1. Saichang Pastor Biel	2. Khanpi Church Choir
3. Synod HQ. Church KKP	4. K. Laitui KKP
5. Shillong KKP	6. New Lambulane KKP
7. Langgol KKP	8. Bijang Gangte Veng NSSU
9. Gangte Veng KKP	10. D. Phailien KKP
11. Tuilangkuol Biel	12. Ithing KKP
10. Solo:

1. Evan. L.L. Muona	2. Miss Nunthar
3. Miss Sangthiem	4. Miss Ngaihching
5. Miss Chawngboi	6. Miss Chiching
11. Departmental Sub-Committee siem ahi.

1. Programme Sub-Committee
2. Finance Sub-Committee
3. Information & Publicity Sub-Committee
4. Prayer & Hospitality Sub-Committee
5. Construction Sub-Committee
6. Choir & Music Sub-Committee
7. Light & Sound, Sub-Committee etc.

Zie conference hi alawhtingthei pen leh aphathei pen dinga bangkim ngaihtuoh aha, mun chuo mchuom apat Missionary-te mi zakhat (100) bek hungkhawm dinga kinep ahi. Ei gam sung biel sunga sapchuom tele atam theipen, chiekhawm dinga chiel leh nget ihiu ui. Mahni sum-le-pai kipuoka, thalawptaka zie khawmpa hih hungmanga vangsa kna tamtak hung chang ngei dingin ka hun deih sak mahmeh ui. Na hun lultak sep ding tampi um mahleh hung kisu awnga hung pang ngei ding in avel in ka hun chiel ui.

- *Missions & Evangelism Dept., Evangelical Synod Church*

Pray Plan & Attend

CHIELNA LEH HETSAKNA

Pathien lemsakpih kinem in Missions Conference-2016. Date 4-7 Feb. 2016 sunga Chiengkawnpang, ESC Secretariat Compound a um ding ahi. Pauchamna a he a nangle Lalpa vangsakna, Athagau pawlna leh suk halhthakna chang ding a, hung tel ding in ngaina taka chiel na hi.

Zie Missions Conference bin athil tup chub:

1. Khangthakte Missionary nasem dinga, chodawk, sapdawk ding.
2. Missionary ding sawmkhat (ten) tieng bek muh dawk ding.
3. Khangthak Lalpan eipiek ahihleh alampi ding ngaithuoh saka, sawl dawk ding.
4. A sawldawk tu ding leh alampi ding, Missions agency chuoimchuom pansana siemsak ding.
5. I gam lehnam, sapchuomleh mipite chenginle, Tua sanga hih Missionary nasep ingaih khawk zawk ua, theihtawp suoha panga, na tampi isepdawk na ding uh.
6. I gam leh nam, sapchuom leh insungtin in kingaihdamna kichamna, kilungsietna, kideihsaktuohna apuna, Avangsakna tamtak ichan na ding uh- Pathien lopina ding ahi.
7. Speaker ding:
 1. Rev. S. Nengzakhup Director NECTAR Shillong
 2. Rev. T. Kampu President AAS Guwahati

SEMINAR/WORKSHOP

8. Resource Person:
 1. Pi Hawihphal President AAS Guwahati
 2. Pu S. Jamminthang Missionary IEM
 3. Rev. S. Thangcha Missionary IPM
 4. Tv. Henlalsang Missionary IEM
 5. Pu H. Thanglienmang Missionary Arunachal
 6. Rev. L.T. Gangte Missionary Tripura

Israelte'n Jordan lui akanna ding ua pawimawh Pathien in apiek haw chu eihaw a dinga le pawimawh zing ahi. Pathien puihna I chan theihna dingin Pathien thupiek ngaihthahlo ham guo chiet hi tiu.

1. Na kisukthientho ding uh ahi:-Miten gitloh a angaih thilteu laka kipata eimah kisukthien chu a pawimawh ahi. Pathien deih banga thienthona khawksalote chuh Pathien puihna chang mai thei ahi puoi.
2. Mihingte chun Pathien thupiek leh a dan chu zuih tei a pawimawh hi. Sinai tang leh Kalvary Tang chu Lampi dik leh bitna ei sinsaktu chu ahi.
3. Mihingin Pathien huntiem thuokhat taka ngak chu apawimawh hi. Asie lam hileh a phalam hileh Pathien zai ngaklo a tawihna kiti him him chu Kristiente a dinga thil kilawmlo leh hawihlo ahih dan hetchiet dinga pha ahi.
4. Hun hungtung ding chu hetloh ahih ziekin Pathien puihna I pawimawh ui.
5. Tunung thil leh hun hungtung ding chu ei uh a dinga athak ahih ziekin Pathien puihna I pawimawh ui.

Kumthak, Lampi Thak, hunthak a I chiehna ding u ah Gingtute chu Bible Pathien kipuihsakna lo ngal chuh lawhtitna ding leh lampi dang umlo ahi tih hechietin kumthak 2016 sung hi Pathien thu kipuihsaka, Avangsakna tamtak chang chiet thei dingin Lalpa'n ei vangsak chiet ta hen.



Chamna Aw

KUM THAK AHIN BANGTI'N PAN LAKTHAK NA GUO?

- Rev. Dr. Kh. Khaizakham

Neulai a kum thak matna a ka na tiemteh khat chuh, kum lui zan leh tangval khat, van a sie thei tawpa kivan in, kum lui in a hung kisiem a, lukhuk lui tak khat a khu a, kum lui chiehpih ding pen chuh zik in, a khut le sathu namsie thetthut nuh in, kum lui tha a lengkhawmte chu chibai aban in ahung buk sek a. Neulai ahina a chuh zie kum lui chun thasiet um taka vaithakna thu gen malam a, a chiehtum veng veng leh lunghel aum hiel sek hi.

Amah nung chun tangval dang khat, kum thak a hung kisiem in, amai le powder hung kinuh vam in, puon-ak vam leh pheika vam tawh a lukhuk thieng sitset achun a kumthak ding pen kum zat chuh a hun zik a, a hung lut leh, chawmlo kal in kum lui chieh ta, lunghel um tak kha hung bei in, kinepna thak ei hun pie kit guol in a kihe sek hi. Neulai a thil muh himahleh ka hengilh thei puoi. Kum lui hung thak kit cheng leh ka he dawk kit sek hi.

Khanglai hun a Kum lui leh kum thak I matdan:

Neulai hun ahung bei a, khanglai I hung hi a. Zie hun hi chu vangsiet zieka khangdawng

lai a ana muolliem ta, hung kimu to zel hi mahleh, atangpi'n kimuonna nei in, kum a hung thak leh I lehkha zilna pawl kichawn ding leh school kaihkit ding ngaihtuohna'n, zil khakloh zil ding leh chawih khakloh lehkhabu thak chawih ding chun thatnawpna lientak ei piek zing lai in, lauhthawngna leh dipchakna le ei piekhawm sek hi.

Abang hileh khangdawng lai hi chuh anuom khat ahi mai hi. Lungkhamna ding atam nai puoi. I nu leh pate'n hau leu haulo leu, I mamawh chu ei ngaihtuoh sak zo him him dingun I ngai mai a. I lehkha sim ding chauh a kingaihtuoh a, kum hung thak chun kinepna lientak ei pie ahi.

Chamna Aw

leh Mosi Dan in a phut chuleh Thiemgau Malaki ngei in le hahpi a a genpap ahi. Thuthun thak ale kipuokai zel ahi. Thuthun thak in a subei puo a, a sawmto zel zaw a, a khelah Kristien thilpiek a behlap zawk bawn ahi.

4. Israelte chuh Kanan a lut tak uleh buh le bal, gancha, sumlepai lamah hung hau untin, lopina Pathien piek sangin a vangsaknau chuh Lalpa hetngilhnaa a mat lohna ding ua vaulawkna Pathien kam ngei apat muh ahi (Dann. 6:12). Ei haw'n le Thagau gam tiem I luoh tak leh taksa thila Pathien vangsakna I chanteu, hauhsakna, Inpha lopha, lawh tam, dimmun sang I chan tak uleh sawmakhat le hepha talo, "cheng hi Isu zala kei a" tih lam sangin, I taimatnau ziek bang, I thiem ziek uh banga gel abaihlam hi. Khuti a chuh I kitih theih tak uleh zie haw cheng hi Lalpa zala I chan phakloh ding, I chan uh ahi. La'n,

"Na thu lo chun ka hinnau tawh ka neih cheng uh bei in a," a tih hi I hetzing dinguh ahi. Officer I hih ziek a, zu leh sa a kichep ding ahi puoi. "Mene mene tekal opharsin" tih banga hung kizik hi ngakdawk khel khel ding ahi puoi.

5. Israel chate'n a chateau kawma Aigupta apata Pathien in a puih zel dan leh a thu awih ziek ua, vangsakna a chan uleh a thu-awihloh ziek ua gausapna a chanteu chu a hilhsawn zel dinguh ahih dan I muu hi.

Atawpna ah, Kanan gam chu thagau a pititna gam ahi. Thagau ah piting leng le taksa thila nuom zing zing ding ahi puoi. Annek ding, I tuok ding zel uh, valh haksa tak tak um in a, mahleh thawkthiem dan ei pie zel in a. Lau lo a, ginna mit vaka kum thak hi I hawh galkaih dinguh kinem takin um hitiu.

•••

Chamna Aw

(ii) **Lungnatna** hi mihiem a nungchang Pathien leh mihiem ki-unauna susie thei pen gitlohnna ahi. Lungnat hi phal hilele sawtpi lungnat loh ding ahi (Eph.4:26).

(iii) **Itthikna** (Gal.5:25; Sam 27:4; Jak. 3:16; 4:5). Itthikna hi Setan pukna bul ahi. Joseph unaute buoina pen ahi. Daniel khale a President chanpihte suolna pen ahi. Isu sinsakte khan le zie lungthim sie chu a nei ui. Itthikna hi kilungsietna taksapna apat ahi.

(iv) **Buokna** (impurity)- Matt.15:19,20; Rom 1:24; Eph.4:22 adang dang).

(v) **Nekledawn kisumlo-** Phil.3:19; I Kor. 12:18, 19).

(vi) **Thatdahna** (Thu. 21:25; 6:11; 19). Sawlchak Paul in Thessalonika te kawma thadahte chun nek le ne kiu heh a tih hiel ahi. Thatdahna chu suol cheng pawt theihna le ahi (II Thess. 3:10).

(vii) **Sum ngaihnat valna** (I Tim.3:3). Zie suolna hi milim hona khat le ahi.

Achunga melma 7 te hi tukum thaka hi I nawhdawk guot dinguh ahi. Ahihloh chun I tup gam uh muong taka luoh lo ding I hiu hi.

Gamtiem lut masanga kivenna dingte:-

1. Asakhuou/milim pathien hopih loh ding. Pathien thusawmpiek laka a khauhpen leh number khatna a pang hiel ahi. Pathien in amah ho ngala milim/sakhuo dang ho hi zawsaihna ahi, a tii. Zie tak hi Pathien a thikthusietna mun pen chuh ahi (Dann.6:14).

2. Kanan a chengte, chanu chapate tawh kichen pawlh loh ding. Zie kichen pawlh hi Pathien a a ginum lohnau bul ahi. Chuleh a kichen pawlh uh khap ahihna dang khat chuh, Israelte nam ngaihnatna a sudau a, Pathien a lungsiet sangun a zite Pathien hona In a saksak ui. A etsakna dingin Ahab bang, Solomon bang a gentheih hi. (Dann.7:3). I chateau awilo mite lakah I vengtup zo nau em?

3. Sawmakhat a piek ngei ngei dinguh a phut ahiu (Dann.14:22). Sawmakhat hi Abraham, Jakob

Chamna Aw

Nu leh pate a dingin lunggim hun khat ahung tung kit sek hi:

Chate thiemzilna ahin nulepate chun amau mawhpuokna lieulieu a ngai in neih leh neihloh gen theih ei puo a, a haksat anawp gen se se lo in, cha haute'n a hauh dungzui un, a haulote'n a hauhloh dungzui un, chate school, college kaihsakna dingin sumlepai suktuoh vat vat a aban ding ngaihtuoh sak hun ahung hi sek hi.

Admission bawlina ding, uniform man ding, lehkhabu man ding leh adang dang, mun gamla zaw a chate sawldawk dingte a ding vang in buoina ding leh puokgik chu a tam diek sek ahi. Ei mah buoipih kham chiet nei I hih ziekun, kuomah a kipanpih thei chuom le umlo in, ei mau mazawn chiet ah I buoi sek uh ahi.

Lalgam nasepna a pan lakthak ding chu gingtu mimal tin in I tup uhahi kit ahi:

Khawvel ahin malzin I hi a, I kumsawt mun ding tung nailo I hi tih kihe, zinga, damlai ni a beihmaa Lal na sem ding I hih

dan hechien zingte a ding in chu kichawlhdamna ding hun aum thei puoh a, **muong** thei hilo, **chawl** man hilo I hihdan kihechien a, kalsuon I hih ziekun kum hung thak hi mi tamtak in a muhtak loh uh mu a, mi vangpha I hihdan kingaihtuoh a, “Lalpa, tukum bang ka bawl die? Ka bawl nailoh bang ka bawl ding aum em? Gamgi keklien ding hi leng, bang ka sepbeh ding aum em? Khawitak ah kal ka suonlut behlap die? Nang in bang hih dingin nei deih em?” tih haw hih ngaihtuoh chiet hitiu.

Zie anuoia thil chuom chuom hih vak ngaihtuoh thak hitiu aw:

Tukum Pathien kengbul ah hun bangtawbang in na mat tam guo? I gam a I mamawhpen u chu **paucham mi** ahi. Thugen thiemte hilo, Bible thiemte hilo, vahawm thiemte hilo, thawhlawm pie tamte hilo, pawimawh chiet mahleu, pauchamna ngaikhawk mi atawm leh ziete haw hin le bangmah thupi tak semdawk dieklo ding ahiu. Pathien mi mat thupi pen a kigen zing Sawlchak Paul in Thessalonika

Chamna Aw

sapchuomte kawm ah, “Unaute haw, ei pauchamsak un,” ti’ n ana ngen tuntun ahi. Pathien mite pauchamsakna apawimawh dan a hetchien ziek ahi.

Khawvel a halhthakna thupi tak tunna tapoh chanchin I et leh ginum taka lungthuoilo hiela pauchamtu ana um zing ziek uh ahi. Igam chulsau hi hung paklun kit ding ahih chun, pauchamtu tamtak ahung dindawk thak angai hi. Zie paucham pawl achun na hung pang die?

Tukum Bible bang tawbang in na sim die? 2015 kumbul khan Pu D.P. Haokip, IRS chu In lam ah ahung pawt a, amah umna sapchuom, K. Salbung ah tukum sunga Holy Bible simsuk ding chona a hung nei a, tamtak in kitiemna a nei ui. Zie zawh chun, Hyderabad lam ah chona a nei zawm a. A chiehna lam lam ah chona nei in, November 8 ni khan Bangalore a EOC Sapchuom ah chona ava nei kit a, mi 40 lam in kitiemna a nei kit ui.

Pathien hehpihtu Officer khat kipiekna leh mite a deihnakna hih ngaihsan aum mah mah hi. Ei uh zie guola ei hung cho ding

chu umlo maihei ahi. Himahleh, gingtute’n I Pathien thu ngaihnat leh sim tam hi I hihding him uh ahih ziekin tukum thak ahin eimau chiet kicho in, vel khat bek sim zo dingin kisai tiu.

Tukum sawmakhat phazaw diek in na pie die?

Sawmakhat piedik zolote, kuomah gen se se ngailo in thiemloh a kichan ui. Aziekchu, Pathien lungthim a suknat dan uh a kihet ziek uh ahi. Pie lo a kigen thien ham ham guote hi chu lungsiet um chauh ahiu. A muhlohnau a sah nalai hi tihna ahih ziekin. Ginum taka piete chun Lalpa chanvo piekdawk kal a ngaklah sek ui. Kipak taka piete chun Lalpa’n a hehpih ziekin, a piekdawk phawt uleh Lalpa kipahna ahi tih a het ziekun a lungkim uh ahi. Kuomah hetpih loh a lungkimna leh thamuonna a nei uh ahi.

Sawmakhat piete’n le a dan dik tak in piek guoi tiu. I sawmakhat hi ngal a, ei mah a mangtu a pan zieng hile a diktak tak thei puoi. Sapchuom a hung seilien I hi a, sapchuom a a pietu hih kal ngaklah ding ahi. Sawmakhat chu a pietu I hi a, a mangtu hilo I hi. I sapchuom

Chamna Aw

mah mah ua, Rephemid galmun ah a kichawn pai ui. Galmun hi mipitingte munpi ahi. Thuphuon a Sapchuom kigen, Smurna leh Philadelphia hi Sapchuom hat leh thiengtho ahiu. Smurna hi sukgimtheih thuok Sapchuom ahiu a, sinsakna diklo aum puo a, galdona phuol ahih ziekin.

Philadelphia Sapchuom chu Missionary lungvei Sapchuom ahiu a, pawlam gamthim ah lung agel ua, a hinkhuou a thienga, sinsakna diklo alut thei puoi.

(5) Kanan gam chuh kumtunga guoh in achap gam ahi. Guoh masa Nov.-Dec. in a zu a, guoh nunung- April – May vel in a zu’i. Buh leh bal, thaichi tin phatna gam ahi.

(6) Zie gam chuh ganvulhna gam ahi. Gancha tatna mun ahi a, hampa gancha nek senloh gam ahi. Sumdawnna lama Belam mul hile a summuhna pen khat uh ahi.

(7) Tulai vangin Tuipi Thi hi har phapen leh mantam pen umma ahi. America hauhsakna cheng sanga Tuipi Thi a hauhsakna atam zawi kiti ahi. Aman tampen, Krista hauhsakna sutseloh ei

hetdawk sak hi.

(8) Kanan gam chuh Lalpa Pathien in kum bul apat atawp chana a etsuihna gam ahi (Dann.11:12). Lalpa thu-awite leh ngakzote chun gam luoh ding ahiu hi (Sam 37:9). Ei u dinga gamtiem gam chuh Isu Krista zala I chan, kumsawt hinna hi ahi. Chuleh I gam luoh ding u chu Thagau gah chi 9, Galati 5:21 hi ahi. Tunung le vang, kum 1000 leh Jerusalem thak hiding ahi.

(9) Kanan gam chuh thilpha cheng kimna mun himahleh galmun ahi. Israelte melma Kanan nam akipan nam 7 te umna mun ahi. Zie gam achun Hit nam, Girkaste, Amorte, Canaan mite, Periz te, Hiv te leh Jebus te (Dann.7:1). Ei u adingin melma nam 7 te chuh Billy Graham in, “Ei that thei gitlohma chi 7 te” a tih khah ahi thei hi.

(i) **Chapona** (Thu. 16:5; 29:23; Isa. 14:12-15). Anakcha milien thumte min umzie apathin chapona chithum aum thei hi. Amasa’n Sheshai (Ka diktatna tihna), Ahiman (Ka Invenge chu kuote ahiu a ahim?), Tatmai (Sepdawk kisuonpihna) (Josh.15:14).

Chamna Aw

ua, Krista kawm bittakin a tung thei ui. Israel mipite chuh zan leh meikuong in a pui a, sun leh meitang in a pui hi. Zie meikuong leh meitang chuh a chieh a, a kichawn phat leh mipi'n a Camp uh a chawn ua, meikuong/meitang a chawlhnha ah a ki-Camp zel ui.

Ei Kristiente hi Thagau Thiengtho chu ei puitu lienpen ahi. Pathien a kikawlsak a, Pathien gingcha a I kingak zawh phawt chun Thagau Thiengtho in thilpha tincheng ah ei puilut ding ahi.

Chuleh, Bible hi a mawlpen pente ading ale Israelte adinga meikuong/meitang tawbanga kingakngamma, puitu ahi. Pathien in Bible pawlam leh Bible tawh kikalh in ei puilo ding ahi.

3. Kanaan gam chungchang:

(1) Leipha (har) tamna gam, "Bawngnawi leh khuoi zu a luonna gam" ahi (Dann.6:3). Zie umzie chuh thilpha tincheng niengtak leh kidaih taka aumna gam tihna ahi. Kristiente hi Krista hauhsakna matsenloh tiem I hiu hi. A matna chang leh a matdan ding I he zaw puou hi.

Amah thilthawnpiekte I hahmat phawt leh kipak ahi.

(2) In leh lo Israelte'n akisa sa, tuisutdawk akilaisa, lo a buh-at zieng theih umsa a luoh dinguh ahi (Dann.6:10). Hukdamna lam ah Krista bawlsa luoh zieng ding ahi. **Krista'n dan thupiek cheng ei u sokin a zui kim tai.** Pathien in Jerikoh khuo chu ka hun pie tai, valuoh un a tih banga, Krista gamlaksa luoh zieng dinga hilh I hiu hi (Dann.6:11).

(3) Grep huona a gah lawh zieng theih umna mun ahi. Grep theigah hi Palestine gam a theigah a kihahchin pen ahih hi enthatute khan ava muu hi, a thupi takluot ziekin bawk khat mai le mi nih zawn ting ahih het ahi. Kristiente hi Krista sepgah nete I hih uh ei muhsak ahi (Dann. 6:11).

(4) Kanan gam chuh thingtang gam haksa leh phaicham kihel ahi. Kristien mipitingte hinkhuo chuh anawpna aum a, ahaksatna tawh kibuktuoh taka umna ahi. Anuom ngena I um sawt leh Kristien hinkhuo ah sietna ahi zaw a, ahaksatna chun hinkhuo asuthiengtho zawi. Israelte le Elim mun nuom akhan aum chawm

Chamna Aw

a pieklut ding ahi a, I sapchuom bulpi a alut ngei ngei ding ahi. Hotute I muon ngam ding ahi.

Tukum Biek-In kaih lam a le panla thak kit hitiu:

Biek-In hawih a Pathien lopi zieng ahi puo a, Biek-In sung dim a kipak taka kikhawmte ziekin Pathien a kipak ahi. Sapchuom hat leh hing zing hetna chu Biek-In kaih dan in a kihe'i. Pathien hona ngaikhawk sapchuom a puitute ziekin mipi a thamuong ahi. Local Committee memberte le kithuzawh diek dingin kisai tiu. Mi vantang sanga le kithahdah zaw, lawiupa I hung tam phat leh sapchuom ahin lungkiekna aum hi.

Ahin, mipite le kithahdah lo in panla thak hitiu. Nidang lai a I nu leh pateu khan kikhawp zan tih hih ana ngai pawimawh mah mah ua, nasep le hai vak deuh a Biek-In kaih man tei tei ana tup uh ahi.

Biek-In ah khanglaite chutna awng zing ta leh sapchuom hin a melhawihna a mansak ahi mai hi. Pathienni nitak beka Pathien pahchakna lasa ding um zing leh sapchuom chu a hulum chuom ahi. Nidang lai khan nupi-update kisamkhawma lasa tih bang aum

zing sek a, sapchuom a suhulum chuom mah mah sek uh ahi. Tulai hin Pathien pahchakna ahin I kikiengkawih mah mah ui. Kipatthak phalo ahim?

Missionary nasepna ngaihkawk thak kum na hihsak nuom em?:

I sapchuom chiet ua I pandan uhih lung-awih um tawk salo tam hitiu. I khutmuk ua I khawih mai mai ua bawn zie tieng hih kisemdawk a, hun I neih tawm tak dan uh hechien in, theihtawp suoh dingin kisai tiu.

Missionary Board te'n le kum dang sangin pan lakthak guoi tiu. I bawl khakloh bawl ngam dingin kisai tiu. Sepding pha leh sep dan pha hawl hitiu. Mimal Inkuon tin in I Missionary Box teu enthak hitiu. Thagau mangthai I lainatnau chu I thilpiek un sulang hitiu.

Eimau sapchuom chiet ale I genzawm ding uleh I ngaihtuoh zawm ding uh tamtak um in a. Zie achung a te hih tukum sung hin sukhaththak guo chiet leuhing eimau mimal hinkhuo, Inkuon hinkhuo leh sapchuom kalsuonna ah danglamna hung um ngei in a. Damlai ni a beihma hin Lalpa na hih hahsep in sem hitiu.

ZOTU HINKHUO



- Rev. K. Siemlien

Khawvel ahin mihem khat dingin Lalpa'n ei siem a, tuisika I um lai apat in, mihem khat, sapumkhat, taksa buting I hung hihtheihna ding chuh Lalpa guot leh deih chuh hinge in a. Amah guot leh deihbang a mel bang pu a ei siem ahi. Lalpa min chu pahchak in um hen. I hung liena, I pitin tieng uleh Lalpa lopina dinga hing a, gahsuoh dinga ei kineppih ahi. Thiemna chitna (mawlna) neih leh lam, hauhsakna (chatgahna) damtheihna (hisellohna) haw, hunpha hunphalo, dahna kipahna haw cheng hile Pathien lungsietna ziek vek ahi.

Lalpa'n nanga dinga a tup leh ahun guotsak chuh: Sapsiet a um, gitlohma a dim, thiemloh chang hileh chunle, Isu Krista thisana gitloh silthien sak, thiemchan sak leh ngaihdamna ahi. A cha ding leh a goluohpih dinga ahun tel zieka chuh, nanga dinga van Jerusalem thak a lopi thei pena a siem ahi. Zie khawvela dinga hing ding hilo in, ei siempa leh hukdampa ding chauh a hing a, nasem ding I hiu hi. Na chunga thil hungtung te leh na dinnum, na phakna zel ah Lalpa a lopi zel na'm? Kingaihtuoh thak in!

Zie khawvela, ahing mai mai, a nuomsa ding mai, ut uta um a, mahni deihdan chauha um ding in Lalpa'n ei phal puoi. Amah a dinga hinga gahsuoh ding, a lopina phuongzaka, chanchinpha henailote hetsak ding in Lalpa'n ei deih hi.
Kristiente hih Isu Krista I gin ua a cha I hung hih ua pat, thim thuneihna chuh I melma lienpen ahung hi tai. Ziekchun, melmapa hin Kristien hatlai, hun awng hau, changtat, sumlepai hau, khawni ngailo, michapote haw angaina a, thihna, lusunna mun,

MUHNAILOH GAM KUM THAK LUOH DING DAN

-Rev. S. Gangte

I thakdawk tak uh kum lui 2015 chuh vangsa kna leh I vangsietnau cheng pum in, bangmah tika muhkit takloh dingin alien ta ahi. Tuhin kum thak abul I pan denden ua, lauthawng kawm leh Pathien muonga kum pha zaw I muh kinem in, ni 365 chuh January ah I chu pan kit tau hi. Muhloh gam I luoh guotnau ahin, Israelte thusim apat in tampi zillai I la thei ui. Pathien in Israelte gamluoh ding chungchang a gena, a masangu ah vangsa kna leh gausapna aum dante tampi I muu hi. I chittheih ua, Pathien thu apata petmang lo a I um uleh zie gamtiem khuoi zu leh bawngnawi a luon gam chuh luoh ding thu avel avel in training na a nei to pek ui.

THU-AWIHNA:-

1. Pathien thutiem a din zingna. Pathien in a suok Mosi kawma aum banga Joshua kawma le um ding a kitiemna (1:5). Ei haw a ding in le hun chiehsaa Pathien umpihna changa kum 100 vingveng Gangte Biel Kristien I hih chan uh ei puitu Pathien chuh tununga le, adiek in kum 2016 a le zie Pathien chun ei puihuoi ding ahi tih ginchak ding ahi. Chuleh, ei haw le puihuoi theiha a I um dinguh ahi.
2. Israelte kawma Pathien thupiek chuh- Thiempate, Pathien Bawm zawnte a kipat phat phat uleh mipyi'n tawng 2000 kikaka a zuih bangun ei haw'n le Pathien in lawiupa dinga ei piek, Pastor, Upa/Deacon te gingcha tak leh kinem taka zuih ding ahi. Belamte'n apu, amau a chiehte, muong taka azuih bangu a, enle a mawlpente'n le lawiupa zuih I kizil dinguh ahi. Nungzuitu pha chu lawiupa pha hiding ahi. Michingte'n a Aksi a zui

Chamna Aw

- Amau cheng hih Rev. Thangkhosiem, Executive Director in Pathienni zingkal (6.12.2015) in ordination a chansak hi.
5. Kum 2016 thupi dingin "Khawvak chate bangin um un" – Eph.5:8 hih teldawk ahi.
 6. K. Laitui KKP te'n Golden Jubilee, Date 19-20 December, 2015 sung khan lopi takin a mang ui.
 7. ECCI pumpi Kum 2016 Piting Sunday School Zillai ding, Galati, Ephesi & Philippi Hilchethna le zawh vang ahi tai. Kum 2017 a dingin Kolossa, I & II Thessalonika hiding ahi. Theihtawp in zil chiet hitiu.
 8. Anngawl pauchamna (Fasting Prayer) Biel pumpi a dinga, khatvei bek neih phasak ahi. Zie hih Mission Department in ahun etzui ding ua kawih ahi.
 9. Mission field, Manipur Balarakhul Compound Fencing siem pawimawh ahi a, zie siemna ding ahih Rs. 1,00,000/- mamawh/ngai ahi a, zie ding chun Shillong ESC te'n Rs. 50,000/- leh New Lambulane ESC te'n Rs. 50,000/- ahun tuok gel ua, siempat theih ding ahi tai. Lalpa vangsakna tamzaw ngetsak hitiu.
 10. Missions Conference hih mat tei hileh tih phasak ahi. Speaker ding- Rev. S. Nengzakhup, Director, NECTAR leh Rev. T. Kampu, President, AAS hiding ahiu hi. Zie Conference in a thiltup chuh:
 - a. Khangthakte Missionary nasem dinga cho a, sapdawk ding.
 - b. A lampi ding uh ngaihtuoh saka, sawldawk ding.
 - c. Ei sapchuom leh mipite hinle Missionary nasepna tua sangha hih I ngaihkhawh ua, I sep tamzawk theihna ding uh ahi.
 11. Nasepna mun awng haw a dinga Advertise bawl ding tih ahi a, zie ding chun, anuoia guola hih hetsakna siem ahi:-
 Post – 3 1. ESC Office Asst. Clerk – 1
 2. Ithing H/S Clerk – 1
 3. SFES Tripura Clerk - 1
 - a. Date 31-1-2016 chana application form submit ding
 - b. February 10, 2016 a Interview ding ahi.
 - c. Zie hih a ut cheng in apply theih ahi.
-

Chamna Aw

taksapna mun, damlohma mun, migensieta, mahni kigenphata kipahchakna mun, zalen taka hun awl matna mun, lawhsapna mun leh lawhititna mun haw ah a vehtha a, hun lemchang a hawl zing hi. Kiveng phai tiu.

Kuo a na melma?

Ephesi 6:12. I kibuonpih hawu hih sapum leh thisan ahi puoh a, lanla, thuneihna, khawthim chunga vannuoi vaihawm haw, van mun haw a thagau phalo um haw ahiu hi.

Na melma lienpen chuh 'nang' na hi. Kei, ka, tih hih ahi huntin phatin a ei them pai a, thagau lama guollah tak, hultak a ei siemsek chuh. Zahhuoi muolpho thanglaka atawp khawk dinmuna kinepna bei hiela ei kawih a, na puksiet kei tieng, na sikha, na chawh hi! tia, beidawnna tawh, na hinna, na thil neih cheng, na thiemna haw pum a, hun mattawp sak a, zahhuoi taka hun kawih sek chuh.

Na melma lienpen chuh nang na hi a, midang ei puoi. Na lunghim, na utna, na deihtelna, na deihzawng, thiemna, chitna, hauhsakna, hi na kisakna, kei,

ka tia chapona, lungnatna duhamna, muhsitna pha kisakna haw cheng hih na melma ahi vek ui.

Khawvel hih thim lal thuneihna, vaihawmna gam ahi. A hat leh thil hihthei I sak pen pen teu le a them pai a, zahhuoi leh guollah tak in hinkhuo a matsak sek hi. Lamchuom chuoah mi tamtak theppaih a um, dingdawk kit zo talo, chuden zieng, hatna lungawihna, kipahna him him neilo, chiekden, beidawng den ta, ahih zieka melmapa thunuoria, zawha um ahih kihedawk dieklo tampi um ngei hitiu, akhawk ngei!!

Gitlohma, thim thuneihna hih mihiemte sanga hatzaw, thanei zaw ahih ziekin, ei mau thahatna leh thilhiktheihna a zo ngeilo ding I hiu hi. *Ziekchun, ni phalo chuh ahungtun phat leh na do zawhna dingun leh na hih zawh suokkei nung ua le na din theihna dingun Pathien galvan bukim chuh kilak un.*

Melmapa hin zie khawvel a I hung pienthak tung apat ei na etthak leh chanthak zing ahi. Hun chengin I kawm ua um a ut a, I lunggel, ngaihtuohna cheng ah a kisalah nuom zing

Chamna Aw

ahi. I deihtelnau, utna, nuom I sak zawng, lim I sak chi pha leh kilawm I sak chi laka le maitai tak in, kisuonglah lo hiel in a kisalah nuom zing hi.

Pilkieu unla, khawthe ngai un! Na kilanpih uh, Diabol chun keipi bakkai kitum sek bangin, a nek theih ding hawl in a kipei hethut sek hi. I Pet.5:8-11.

Nang kuo na hi?

Nang chuh Pathien cha na hi. Na hihna na kihetchet apawimawh mah mah hi. Zie khawvel mi hilo, Pathien cha, van mi na hi. Pathien in a hehpih a chapa Isu Krista thisan lul mantama ahun tat, zie khawvel ading leh nanga ding maia hing ding hilo, Pathien ading, a thupiek zawpa, ana sem a, hing zaw ding na hi. Van mi hihna citizenship nei na hi. “*Pathien chate taphawt in khawvel a zo zel ngal ua.*”

Melma zawhna dinga matchak phapen bang a?

Khutichun, na kawng u chuh thutaka gak in, diktatna awmpa chuh ki-ak in, kichamna chanchinpha kiguonkhawlna chuh na keng ua kibuh in, ding

un; chun taksanna phaw kilak unla, zie chun, migilo thalkuong thei cheng cheng chuh sumit thei unlau, chun, hukdamna lukhuk leh thagau chemzam, Pathien thu kilak unla bang hun ale paucham a nget zing ding ahi.

Bible sim zing ding, Pathien thu kipuihsaka a na sep ding, kikhwapna, fellowship ngaihkhawk ding, I hatnau leh zawnau thuguk chuh Pathien tawh hun chenga kipawla, umkhawm zingna ahi. Pathien tawh umkhawmna dinga daltu aum thei a, zie haw chuh ei mah hatna hilo, Pathien tawh umkhawma, amah hatna zala zawh zel ding ahi. Chun, kipak tako Lalpa a dinga thilpiek piek zel ding ahi. Pathien in a chapa changkhat neihsun ei uh ei pie a, ei unle amah I thilneih leh aphapen I piek dinguh ahi.

Zotu hiding in panpihtu apawimawh hi. Exo. 17:12. *Himahlele, Mosi ban chuh ahungkham ta a; tichun suong a lau a, anuoi achun a kawih ua, zie chun a chu ta a; chun Aron leh Hur chun a khut chuh a dawpsak tau a, khat in langkhat a dawm*

Chamna Aw

EVANGELICAL SYNOD CHURCH THE 62ND ANNUAL COUNCIL 2015

REPORT CHAWMKIM

Amun : Chiengkawnpang, ESC Secretariat, Council Hall

Ahun : 3rd – 6th December, 2015

*Thupi : “Zie lungthim Krista Isu a um khah nangmau ah um hen”
–Phil.2:5*

Council Chairman, Upa Paozalun in Sam 20:7 sim in pauchamna a nei a, vahawmna pat ngal ahi. Recording Secretary ding telna um a, Pastor Khailalsiem leh Pu Lamthiengin teldawk ahiu hi. Member – 96 present, 7 leave.

1. Council Chairman neih zawm phasak ahii ziekin telna neih ahi a, kum 2016 a dingin Upa Dr. L.S.Gangte teldawk ahi.
2. Kum 2016 sunga ESC Budget dingin, Rs. 1,35,00,000/- guon ahi.
 - a. Phai Biel - Rs. 95,20,000
 - b. Saichang Biel - Rs. 7,95,000
 - c. Tuilangkuol Biel - Rs. 5,55,000
 - d. ESC Departments - Rs. 26,30,000
3. Pastor kitasam I hiu a, Pastor ding telna aum a, Mr. Mangneihlal s/o Upa Khuolkhokam teldawk ahi. Amah hih Tuilangkuol, Chongmun ah aum in a. Pro-Pastor Thanglalmuon hih Tuilangkuol apat Phai Biel ah kichawn intin, Khosabung ah um in a.
4. Sapchuom Upa ordain thakte:-

a. Upa P. Bieklien	s/o Pu Nguldal, Chiengkawnpang
b. Upa Mangminthang	s/o (L) Dalgo, Chiengkawnpang
c. Upa Malsawm	s/o (L) Khamkap, Nalon
d. Upa Lienkhokam	s/o (L) Siekkhosoi, Chawngchin
e. Upa Thangtinpau	s/o (L) Enga, K. Zoar
f. Upa Khuolkhokam	s/o (L) Pauzamang, Khanpi

Chamna Aw

Pa, Nu, Chapa, Chanu- tunichan a Pathien in damna ahun piek hih na kisik a, Isu Krista na hukdampa dinga na kipawmna ding ngaihtuoh ahi zawi, khadanga mangthai mai mai ding hawla phe viel mai mai ding a damna ei piek hilo hiel ahi. Mi'n khawvel pumpi hih nei henla, a thagau hinna chān leh amah ding in banga phachuom ding (Mat. 16:26 KJV). Pathien thu he a, gingcha a zuite chuh mi hampha ahii hi.

•••

Vak chuh kuo a?

Isu'n kei khawvel vak chuh ka hi, kuole ei zui chuh thim lak ah leng puon tin, hinna vak nei zaw'n a (Joh. 8:12). Isu'n chientak mai in na kawma introduction kibawl in, kei khawvel vak ka hi a tia, zie umzie chuh thima um na hi tih a hechien a, amah VAK kawma na hung leh kum khawsawt hinna nei ding na hi, a tihna ahi. Isu Krista gingcha'n la, zui mai in mi vangpha hiding na hi.

Chamna Aw

a, khat in langhat a dawm a, khutichun, nitum chan in a khut haw chu aum ngei in aum ta a.

Mosi chuh Israelte Aigupta apat puidawktu dinga Lalpa guot ahi. Mosi khut leh a tiengkhut chuh, Lalpa thilhihtheihna Israelte laka um leh panpihtu aum ngei hi tih etsakna ahi.

Kristien ka hi tia hahpi a guollah hilo ding leh, abaih leh zo, ahak leh lah, Kristien mai mai hilo dingin, zotu Krista zala zawhna hinkhuo mang zing thei dingin Lalpa'n hun vangsak henla, hun umpih zing hen!

Melmapa hin Khanglaite nasatak in a sawisa nuom a, amau utna, nuom a sak zawng uh, pha a sak zawngteu mangin a thempai sek hi. Sapchuoma lawiupa feltak, taima tak takte le amau phasak dan, deihdan apat a puimang a, a thempai sek hi. Nute le na lung-awihnau, na duh-amnau mangin ahun thempai sek ahi. Pha na sakloh lam ah ahun engbawl puoh a, kilawm tak in awlcha cha'n ahun puimang sek ahi. Ziekchun, khawthe ngai in, pilkieu in, um hitiu. Zotu Lal Krista'n ma a pui hi.

Those who meet life prayerless find themselves powerless in the hour of temptation.

Bible sim ding: Pathien aw I het a, a thupiek zawp ding. Ana sep ding. Pathien thu kipuihsak ding. Malsawmna I chan tieng ei thu- haksatna I tuok tieng Pathien thu hihsak ham loh ding. Na paucham tiengleh Pathien deihdan bang ahim tih he a, zie chuh zuih dik theihna dinga Bible sim ding, chun a dawnna le um ngei ding ahi a, ngaka hetchet a, zuih guot ding ahi.

Kikhawpna, Worship Service or Fellowship ngaihkawk ding: Paucham lo, Bible simlo, kikhawmlo, ahat a hat gingtu um leh lauh le um intin, mak mah mah ding ahi. I hatnau thuguk chuh Pathien tawh kipawl a, umkhawm zing na ahi. Pathien tawh umkhawmna dinga daltu aum thei a, zie haw chuh ei hatna hilo Pathien tawh umkhawma, amah hatna zala zawh zel ding ahi.

Kipahna thilpiek piek zel ding: Lalpa'n ei hehpihna ziekin A hinna ei pie a, I thihsik ua thi'n, a thisan I thiemchanna dingun ei

KRISTMAS LEH KUM THAK

Mun chuom chuom ah Kristmas leh Kum thak thalawp tak leh kitup taka mat zāwh ahih thu het ahi. Taksə ləm kipəwlkhāwmna ah ənuom a, Thagau ləm thil a vāng a pieng pa, nausen ləm ləm geldawk phālo a um khak ding lauh aum hi. Isu Krista nausena hung pieng, Bethlehem bāwng In a qən ən piekna kuonga nusieh a, taihsana, māhni hetdān, utna ləmpi chiet a, khawsa pān kit I hih khak ding uh lauh aum hi.

Vən mun lopi taihsan a, lei dahum thim a, gimthei liengvai taka, haksatna tincheng thuoka nāng hun hawlpā, deihdan leh a thiltup he a, ngāikhawk a, theihtawp a zie chānchinphā chuh gensawn dingin Lalpa'n ahun deih hi.

pie a. Ei unle thilpiek maha ana I sep dinguh ahi. Melmapa'n thilpiek, Thawhlawm, Sawmakhat, Gimthei panpihna, Biek-In sakna ding khenkhat leh adang dang na piek ding tieng ahun dal sek a; Pathien hatna suongin, galvan matchak Pathien thu mangin theihtawp suoh in pang in. Zawhna thu tiemsa ahi.

“Khawvak Chate Bangin Um Un”



Rev.T. Kampu
Guwahati, Assam

Tuchung ESC Kum thupi Eph. 5:8b apat lakdawk hi, Council nulepate Pathien Thagau Thiengtho puih huoina chang a tel dawk leh mat ahinhna ahin kipak um kasai. Lalpa'n zie kum thupi mang hin I sapchuom, mimal tin, I nam leh gam pumpi vangsak taken. Pathien chate hi vakchate ahii hi. Gingtute hin thagaulam min huntieng tak I nei ui. Eph. 4:17-31 Vak chate banga umding thu gen ahia, chun, Bung 5:1-21 ah Vak ah um guol a umding a sinsak ihi kit ui. I um ding dan a I um tieng leh I hih ding dang haw ki hih hawihthei chauh ahi.

Bul Phuhna-Hukdamna: Eph. 2:8-10

Hukdamna Eng/Vak lopitak changte chun, Vakna zung (source) anei chauh ui. Hukdam chate hin thagaulam hinna anei ua. Hinna neite chauh in lamdanna,

khanletna/growth anei thei chauh ui. Vak chate **umdan** I gen mauhin Vakcha/Pathien cha **hihna thu** I chiet ua, I fel tak zet uh a deih um hi. Hukdamna hi Pa Pathien lungsietna ziek, khuotuohna ziek, hehpihnna

Chamna Aw

Melmapa Setan in, bangtik hun a, bangtia attack bawla zawhding ahim tih ahechien mahmah hi.

“Do you seek God’s approval for what you already plan to do? God loved us enough to sacrifice his son for us”

Chamna Aw

hihna sagihte hile nei intin, ahinla Pathien deihchuom ahinhna hih Pasal tawh kisukhalo ahinhna hih ahi. Tuni chan hin Pathien deihdan akikhel diek puoh a, Nungak thiengtho amah matchak ding a hawl zing ahi.

Mary nulehpa: Zie tawbang a Pathien deihchuom chanu ahun hin theih uhin nulehpa pha ahinhnau asulanga, Pathien a chung u ahin lung-awi mah mah ding in ginchak aum hi, chanu Pathien deihchuom theih ding neih guoi tiu.

Message nihna

Bethlehem khuo tiengin chieh hitiu. Luke. 15-19

1.Bethlehem khaw tieng a chiehna dinga pawimawh haw:-

Vs.15. Ginna: Belampute'n Pathien thupiek a zak chauh uh hilo in a ginckna ziek un Bethlehem ah ava chieh ngei ui. Bethlehem chan chiehna ding in ginna apawimawh masapen hi.

Vs. 16. Kinawh ding: chieh meng meng ding tih thu akimu a, zie umzie chuh Pathien thu hin hun leh phat nei ahi tihna

ahi, Bethlehem lam zuona na chieh lai in ziet leh vei a thil umte ngaihtuoh lo a na chieh loh chun tung theilo ding na hi.

2. Bethlehem vatungte chun gensawn ding a nei ui. Vs.17 Belampute chuh Betlhehem chan ava tung uh a nausen chuh ava muu a, midangte kawm ah a gensawn ui tih thu akimu a, midang kawma nausen chanchin gensawn ding neilo na hih chun Bethlehem chan a chieh nailo himaithei na hi.

THIM APAT VAK AH (Setan apan Krista ah)

Zie thupi hih gospel centenary mangsate ding in zahchak umtak hiding ahi, ahinla zie thupi hin gospel centenary mang leuhing le thima umzing I hihna le asulang hi, thima um I hih uh hezing mahleuhing le vak ah I lut nuom diek puou hi tihna le ahi.

Thim a um chuh kuote ahim?

A siempa hephaloa mahni deihdan, nuomsak dan, duhdan, deihdan, utdan, Pathien hawllou, Pathien thu ginghalo, piengthaklo haw chuh Bible in thima um a tihte chuh ahii hi.

BETHLEHEM KHO TIENG IN CHIEH HITIU

Luke 2:15-19

- Pastor Thangcha S. Gangte
Missionary – Bhutan

Pathien lemsakpihna kinem in, kum 2014 khanle Kristmas mang a hung pawt ding ka na tiu a, himahleh ka lawinu Mary Chingboi damlohnna ziek in ka hung pawt thei ta puou a, himahleh Pathien kawma a mithienghote pauchamna haw Lalpa'n a dawng a, tuchung hin ka inkuon un ka hung pawt thei uh a, ka lawinu damna ding a ei na ngetnak cheng chengte chung ah kipahthu ka hun gen hi. Guotlawksa hi kimahleh D. Phailien ESC ah Kristmas sung in hun nih ka changa, zie a ka thugen haw chu midangte'n le a phatchuomphih theih khak leh ti'n ka hun sulang hi.

Pathien in mangthaite hukdam ahih theihna ding un a chapa khawvel ah ahun sawl ding hin matchak ding mi ahun hawl a, zielai chun Joseph leh Mary chuh ahun tel a, amau nih hih na hih chawm cha'n vak en hitiu

Joseph

- Joseph chuh **Midiktat** ahi a. Mathai. 1:19.
- Pathien lau
- Nulehpa thu awi
- Zou genlo
- A sanga lien zaw zah thiem
- Ki ngainiem
- Numei tawh kisukhalo
- Ahih ding dawl hih

Zie haw ziek hin Krista mihing a ahung pien hin khawvela ana enkawlding in Pathien in ahun tel ahi, zie guol mah hin tuni hinle amah na sem ding in Joseph banga midiktat tangval Lalpa'n a hawl zing ahi.

Joseph nulehpa: Zie tawbanga Pathien deit tel theih chapa ana hin theih uh hih nulehpa pha mah mah ahiu hi, nulehpate'n Pathien deit tel theih chapa amah matchak ding hin guoi tiu.

Mary

Mary chuh nungak **Thiengtho** ahi. Luke. 1:34. Mary hin Joseph

ziek lieu lieu; mihem lam pang achun taksanna ziek a I chan uh ahi. Gitlounha a thi a I um lai un, SUK-HIN, Krista tawh thakhat a SUK-HIN leh thakhata KAIHTHOH KHAWM I hiu hi. 2:1-10

Pathien Chate Hihna

Gingtute hi Pathien HIN-THAK (Born of God) ahiu hi (John 1:12-13). Chun chi sietheilo Pathien thutak a piengtha ahiu hi. Zie Pathien cha hihna hi a chiet tieng leh Pathien chate umdan, vakchate um dan hi gen le anuom a, zuih le a nuom hi. Pathien chate hi ngala Pathien chate bang loa um khak theih ahi. Zieziekchun Ephesate 5:1 a Pathien chate umdan late hiding a genna aum hi.

Vak Chate Umdan

Vak chate hin Salh VakPa chung a kipahna gensen louh anei zing ui. Hukdam chate hin Hukdampa chunga kipahna thuktak, lientak leh sangtak anei zing ui. Vak chate umdan Ephesi bu apat in ana sutkhawm hitiu.

China mi gingtu Watchman Nee in Ephesi bu hi bung thum in ana khen hi.

1. Chu/sit, (Bung 1-3)
2. Chieh/walk (Bung 4-5)
3. Ding/stand (Bung 6)

Krista tawh thi-khawm te chuh Krista tawh kaihthawh a um in, Krista mah tawh PaPathien umna mun haw ah chute/sit ahiu hi. Zie tawbang mite chu zie khovel ah chieh zel, kal suon zel ahiu hi. Chun, gal do-na phuol muna umzing I hiu a, det tak leh hangsan taka pilvang tak a dingzing angai hi.

Khawvak chate umdingdan ahihleh: Kingaihniem, Nunnem, leh Thuok-hat taka um hi ahi (Eph. 4:2).

Kingaihniemna: Pathien ziepi hechiente leh migilo mangthaite Pathien lungsetna vang chauh a hukdamte hin kingaihniem na anei tei ui. Isu kingaihniemna hinkho apat kingaihniemna hinkho zil theih ahi mahmah hi. Chawihsan I nuom chiet ua, Lalpa masang achun kingainem un, tichun, Aman'n hun chawisang ina tih ahi. (Jakob 4:10) Pathien chawihsanna khel a pha chawihsan dang aum puoi. Kristmas hin Pathien kingaihniem zie, kingaihtawmzie a muhtheih hi. **Nunnemna:** Kingaihniemna leh nunnemna hawhi malai hun Greek leh Rome hun a thil lul leh thil ngaih san (virtue) ana hi puoi. Hansanna, thuneihna leh chapona hi ngaihsan ana hiu. **Thuok-hatna:** Zie nungchang thumte kingaihniemna, nunnemna leh thuokhatna haw hi Thagau gah 9

Chamna Aw

te laka muh ahi. Phuba lak theihna mun a lalo, thil suol bawlo dinga pang tun tun. Min ei muhsit leh gensiet ale thuok tun tun a sep muolsuoh. Hindan, insung khawsak haksa, sepna ale haksa mah mah hilele thuok tun tun a kul

hi. Thuok-hatna leh hinna lallukhuk a chieh khawm zing hi. (Jakob 1:12) Pathien cha, Khawvak chate hin zie nungchang thumte I kithuom theihna ding un Thagau Thiengtho thuomna leh mapuihna I chan chiet uh ka hun deihsak hi.



VAK CHATE BANGIN UM UN

Ephesi 5:8.

- Rev. *Thangkhosem*

Vakchate banga um dinga deihte chuh kuote ahi? Thim chate umdan chu bang ahim? Thim chate leh vakchate umdan kibatlohna amasapen in en hi tiu.

“Amah suohiph haw ngala Khawvak ah ka um hi, ti pen chuh, tu tieng hinle khawthim a um zing ahi. Kuole, amah suohiph hehpih chuh, khawvak achun a um zing a, amah a chun kisuihna him aum puoi. Amah suohiph haw pa vang chuh khawthim achun aum a, thim lakah a vak viela, khawthim in amit asukduk tak ziekin, a chiehna le a hesek puoi” (I Johan 2:9-11)

A. Thim chate chuh-

1. Gitloh a um zingte, Thim nasepna a pang leh thim chate guol a hingte.

2. Setan thuneihna nuoi a umte, Thim lal nuoia umte chuh ahi.
3. Pathien lungnatna nuoia um, thim thilhiihtheihna gah a um sekte.
4. Gawtmun naihcha a um, Thim sahtak nuoia um dingte.

Thim ti a akigen tiengleh Thimna mun chu mun dahumpen leh nuomlo pen ahi. Zie mun chuh, mi piengthaklote umna mun; Thim lal kuh tih ahi. Zie mun chuh migilote umna ding mun dahumpen chuh ahi. Mi piengthak lote umna mun chuh Thim sahtak mun chuh ahi.

Chamna Aw

hih mangin Sapchuoma Pastorte, Workerte ading, Sapchuom Upate ading, Government nasemte ading leh mipite adingin paucham hitiu. Zie haw khel achun, Politician te ading inle ngen hitiu. Chun, halhthakna, damna ahungtun theih ngei na dinga Lalpa matchak dingin a kawmah kipiethai tiu. Gunchuh taka pauchamna chuh halhthakna leh gam leh nam damlo, damna ding leh siemthakna ding ahih dan geldawk in, phachuom ngai takin paucham zing hitiu.

Pathien lemsak ahih leh, Missions Conference 2016, February 4-7, 2016 sunga mang dinga kisa I hiu a, mitthitui puma, anngawla Lalpa kengbulu kun a, phachuom

ngai taka paucham ding Lalpa'n a hawl ahi. December 15, 2015 (Tuesday) zingkal 7 – 12 p.m. chan khuo chenga Anngawl a Pauchamna neih ding tia, Prayer & Hospitality Sub-Committee te'n a guon uh ahi. Pathien nitak cheng leh paucham guolna neih ding, kal khat sunga paucham guolna haw leh, mimal pauchamna haw ale theihtawp a, gunchuh taka Missions Conference 2016 lawting taka mat ahih theihna dinga paucham dingin nangle Lalpa'n ahun deih a, ahun namat nuom ahi.

Those who meet life prayerless find themselves powerless in the hour of temptation.

●●●

Pauchampih zing in

Mission Conference - 2016

- Venue : ESC Secretariat Compound, Chiengkawnpang

- Date : 4-7 Feb. 2016

Thupi : **“Lithuk lam zuon in len sep un”**

Lk. 5:4

Chamna Aw

puoi (Ezek.22:30). Zing leh nitaka Lalpa masanga kuna paucham sekte, gam leh nam adam a, Thagau halhthakna Sapchuom in I chan theihna ding ua, pauchamtu ding Lalpa'n a hawl zing ahi. Pauchamna hih neih mai mai chi ahi puoh a, Kristien te a dinga amasapen leh apawimawh pen ahi, chun **paucham loh chuh gitlohma ahi.**

South Korea gama Pastor minthang mah mah Paul Yonggi Cho sepna sapchuom chuh tha chengin member 2000 vel in apung zel hi. Ni khat chuh a kawm ah a lawipa ava chieh a, hiti hin a gen hi. "Ka zilna asang zaw a, sermon ka thiem zaw a, ka zi le sapte ahi. Bangziek ahi nang umna Sapchuom zie bang lawm lawma apun mai" ti'n a dawng hi. Cho chun, pauchamna'n hun bangzat na mang sek hi? ahih leh A lawipa chun ni cheng in 30 minutes sung ka mang bei sek hi, ti'n a dawng hi. Zie phetchun, Pastor Cho chun zieziekchuh ahi chula, ken vang ni cheng in dakkal 3 – 5 sung ka mang bei sek hi, ana ti ahi.

I Bible a Thagau Thiengtho

zala halhna ahungtunna thupi mah mah chuh, Penticost ni ahi. Sinsakte chuh Indan chungnung ah gunchuh takin a paucham ua, lungthim mun khat pu'n, amau deihdan sanga Pathien deihdan leh a lopina hung kilang dingin phachuomngai takin a paucham ui. *Nehemiah 9:3. A umna mun ua chun a ding ua, ni khat mun li a khena mun khat sung Lalpa Pathien dan lehkhabu chuh a sim ua, mun li a khena mun khat dang chuh gitloh thupha chawihna'n a mang ua; Lalpa a Pathien uh a ho ui.* (6x4=24) Ni khat seh lia seh khat chuh dakkal 6 tihna ahi. England a Scotland gamah halhthakna thupi tak atunna dingin kum 40 sung mipite sun leh zan chawlllo a, anngawl a phachuomngai taka pauchamna a neih nungun ahungtung hi, a kitii. Ei unle halhthakna tun theihna ding khawpa pauchamna ngaikhawkin panlai tiu. I gam uh damlo, I nam sunguh natcheh tak, tha nei zolo, puitu, panpihu ngai ngui ngui te hih pauchamna thilhihtheihna manga siemthak kit dingin Lalpa'n ei deih hi. A chagah pente, a hatlo pente, mi muhsit pente'n le zie matchak

Chamna Aw

Thimna mun chu mun lauhum ahi. Zie lampi a chiehna ding chun mite mata aum theihna dingin Setan in thang tamtak akama, kieklutna ding thang tamtak akam hi. Zie thimna mun lut ding chuh, lauhna ngen a dim ahiu hi. Zie thimna mun chuh- kipak taka lut tih um theilo ahi. Gendan dangah "Kawkhuk mawngbei" kiti chu ahi. Solomon chun "Mi gilote lampi chuh thim sahtak tawbang ahi a, bang ahim a suihkhak uh tih nasan le ahe thei puou hi" (Thuchingte 4:19).

Pathien deihdan tawh kituoklo a hing a chiehte chuh- Thim lal chate tawihdan ahi. Mi piengthaklote chuh Pathien deihdan tawh kikalhin a chieh a, Pathien tawh kigamla takin a chieh sek ui.

B. **Vakchate chuh:-**

1. Thagau lam thil hetchienna. Vakna kiti leh hetchienna kiti hi mihing a lut gel gel ahi. Krista mela Pathien eng chuh ei hetsak dingin, "Thim apat eng vakdawk in a" ti pa Pathien chun ka lunggil uh ei salhvaksak ta ngala" (II Kor. 4:6.)

2. Thienthona hinkhuo.

Gitlohma leh sietna (corruption) chuh thimna a suklat ahi a; thienthona chu vak ah suklat ahi sek hi. Pathien thiengtho chuh Vak tih a gen in aum hi. (I Johan 1:5).

3. Pathien deihsakna. Pathien akipata deihsakna khel ah, kipahna leh muonna zie haw cheng chu vak a suklat in aum sek hi. "Aw Lalpa, nang ngeiin na mel vak khan ei hun salh inla" (Sam. 4:6).

4. Lopina leh kipahna. Van leh alopina chuh Vak ti a gen in aum hi. "Amah chauh chu thi theilo, kuoma'n naih theihloh hiel vak achun a chenga. Kuoma'n amah chu amu kha puoh a; muh le mu theilo ahiu hi. Amah kawm achun kumsawt limbawlna leh thilhiah theihna chuh a kawm ah um hen, Amen" (I Tim. 6:16).

C. **Vakchate bang in um un:-**

1. Thim thihihtheihna haw akipata gamla taka um a chieh ding ahi. Awilo mite tawh kituok takin namkawl puo khawm kiu in: Diktatna leh gitlohma'n banga kikawpna a neih uh? A hihloleh, khawthim leh khawvak inle bang banga

Chamna Aw

- kivawpna a neih uh? (II Kor. 6:14).
2. Pathien nungzuihna a hangsan taka zuih ding ahi. "A hun sampa chuh a thientho bangin, nanguh le, na nunlekan u ah na thiengtho zaw tau un" (I Peter 1:15). Thienthona hinkhuo chu vakchate akipata a vakdawk ding ahi.
 3. Khawvak chate chiehdan chun mite a salhvaka, gitlohma leh thimnuoia umte chuh akidawk theihna ding ua hin ding ahi.
 4. Hinkhuo leh chiehdan chu mite ettawntak hiding ahi.
 5. Mahni ngaihdan chauh a chiehloh ding ahi. "Chawmkhat sunga gitloh nuomsakna lawppih sang chun Pathien mite tawh sukgimtheih thuok khawm chuh a telzaw ta a" (Heb. 11:25). Mosi chun, mi ngaihdan haw chuh a ngaisang puoa, Pathien deihdan chuh a zah in, a ngaisang zawa, Pathien mite tawh sukgimtheih chu a tel zawi.
- Gingtute chu Krista zala Pathien chate ti a minvawh I hihtak ziekun, Vak chate tih I hung hi tau hi. Pathien akipata vakna
- I muh bang bang uleh Pathien chate chiehdan ding, hindan ding Bible in ei sinsak dan a chiehte chuh Vak chate banga chieh hung hiding ahi. Mahleh Bible Pathien thu ei sinsakna banga I chieh theihloh a, I hin theihloh chun Vak chate banga um kihi theilo ding ahi. Zieziekchun ei mau chiet ki-enchienna, Vak chate banga hing leh chieh I hi nau em? Thim chate banga chieh leh khawsa mai I hiu em? Ki-enchienna thak kit chiet hitiu. Vak chate banga um in, ei mau I kihethi, mahleh midangte'n Thim chate chieh bang a chiehin ei muthei ui. I hindan uh Pathien chate hih dan ding ahi na'm?
1. Sumdawnna mun ah: Khawvel mite banga sumdawng mai I him? Khawvel mite tawh I hih dan uh bang akikkiekna aum em?
 2. Khawvel mite banga politic a kichiem mai I hiu em? Kristiente politic a apan dan leh khawvel mite politics a akichiem dan uh kibang mai ahim?
 3. Kristiente leh Ginglote nekledawn a banga I kikkieknau, I nektheih uh,

Chamna Aw

- Dawntheih uh kibang vek ahim?
4. Nasepna mun ah: Goverment service leh nasepna chuom chuom ah, Gingtu leh ginglo in na khat asem khawm thei hi. Mahleh I nasepnau ah Gingtute leh ginglo mite, Thim leh vak akikkiek banga akikkie ding um ding ahi. I kibatlohnau a
-



PAUCHAMNA AH THILHIHTHEIHNA MAKTAK AUM

- Rev. K. Siemlien

"Nanguh Lalpa a kingate haw kichawl hiel kiu in" Isai 62:6

Gam leh nam sieta-nung siemthaka, tundin kitna dingin phachuomngai taka Lalpa kengbula mitthitui pum a pauchamna apawimawh hi. Adieka Sapchuoma halhna atun a, Lalpa Thagau pawl thakna I channa dingun anngawla kisika pauchamna apawimawh hi. I Bible I et leh Mosi, Horeb tangah a nam pumpi amanthai lohna dingin a paucham a, a gitlohnau Pathien in a ngaihdam loh ding leh hinna lehkhabu a, amin thaimang

dingin a ngen hiel hi, tih I muu hi. Thiengau Elija leh Baal thiempu 450 te Karmel tanga a paucham ua, a ki-el lai un, Elija maicham mei in ahun kangtum hi, tih I muu hi (I Lengte 18:20)

Chun, gam chuh ka hihsiet lohna dinga bâng chuh sapha ding leh achipna muna gam thathenga ka masanga ding ding amau haw lakah ka hawl a, himahleh khatchale ka mu